


**Ni yib ku President
Dieter F. Uchtdorf**

Bin L'agruw e Counselor
u lane Bin Somm'on e Presidency



Fare Thin rok Got ngak Pifak

Fare chepen nib thothup ma weliy ni bin somm'on e ngongol ni ke rin' Got tomur ni ke sunmiy pumo'on nge ppin e ke non ngak.¹ Bay gonop ni thabi ga' fan nge thabi fel' t'uf ni nge pi' ngorow. Fan rok ni dabi' pi magawon fa ruus ngorow machane powi'iy rorow nga falfalaen' nge fal'ngin nib manemus.

Ma biney ni kemus e tabab. Mada' ko e rran nem, Got ma non ngak pi fak. Ke thap e thin Rok, ba'adag, nge bi'eg urngin e gachelpen ulan gubin ningyal'. Ya ba'adag riy pi gidii' nibe guyed nang fan fare tin ba'adag Got, nge yad be pii' michriy ko tin riyul' ni "I Somoel ni Th'abi Tolang e dariy ban'en nma rin' nder ma dag ngak e pi profet, ni aram e pi tapigpig rok."²

Ireray e yal'uweg ke buch kakrom nge mada' ko chiney, nge yal'uweg ma ul'ul' daba. Gathi kemus e yaat' nib mangil u lan fare Bible; ni'ir e rogon rok Got ni ma weliy e mulwol rok ngorad pi Fak. Ma tinning ngalang bochi gidii' ufithikdad, duwgliy rad pi profet, nge pii' ngoraed fapi thin nib t'uf ni ngar yoeged, tiney ma piningdad ni ngad "tha-peged, ni boed nike yib u langan."³ Nike weliy, "Fa'an uda-kaen e lamag fa e lamrad ko tapigpig rog, ba ta'abrogon."⁴

Mulwol ney e bang ko Fulweg nga chilang rogon ma be pii' athamgil nge athap ngodad—Got e gathi dariy luman! Ba tu'uf pifak Rok. De pag dad ni ngad dared ufithik e lumor.

L'agruw i yay gubin e duw, ko April nge October, rayog ni ngad runga'aged e lam Somel ufithik e pigpig Rok ulan- ngin pi general conference nib mangil.

Gube micheg ngomed ni u'mon ba paer cha' ko podium ulan general conference, cha'nem ke muruwliy nib yo'or, ke meybil, me fil marunga'agen e tin ni ngan non. Kan ta'ermadliy nge meybil nib yo'or ko pi mulwol nu conference ni wenig ngak somoel ni ke nang fan mang ni ba'adag pi chongin ni runga'aged.

Mang e ra buch fa'an ni ngad ta'erdamilyed ni boed rogon fapi tanonnon? Urogon nira thilyeg e ba'adagdad nifan general conference fa'an ni ngad nanged e conference e ma pii' ngodad pi mulwol rok Somoel? Ufithik e pi thin nge pi tang ko general conference, gadad ra nanged ni ngad thapeged e fulweg ko demtrug e pi dewer fa magawon rodad.

Fa'an ni ngam lemnag fa'anra Chitimangiy ni bay nu Tharmiy e ra non ngom, Gube pug uran ngomed ni fan e pi thin nib moem nge thabi fel' rogon e pi bitir ku Primary ma yoen'ed: "[Gur] e bitir ku Got, nge ke l'ugeg ura." Fan rok ni ma ayuwegdad ni ngad suload "ni ra paer rok bi'id."

Fa'an ni ngam yib nga Chitamangiy ni Tharmiy ni boed e fak, gimed ra fith Ngak u fithik' e l'agaen' u gum'ircha'-ey, "Wawliyeg, powi'iyeg, Dag eg tunom rom. Fil ngog tin thingar gu rin'." Ra non ngom ufithik fare Kan ni Thothup, nge tomur rangam mel'eg ni ngam "rin' laniyaen' rok." Gube micheg ni fa'an gara rin' biney, "pi tawa'ath ra yib."⁵

Ba t'uf e powi'iy rok Somoel daba' ni boed rogon ni kakrom. Napan ni ngad fal'egdad ni ngad runga'aged e thin rok Somoel, gube athap ni ngad gay rogon ni thapeg fare Kan

Thothup ere napan ra non Somoel udaken e pi tapigpig Rok, rangam nangfan, fil'ed, nge falfalan'dad u ta'abang.⁶

Gube micheg "napan ni ngam rin'ed tin'ey ma fapi garog nu inferno e dabiyog ni nge togoplur ngo[dad]; aragon, nge Somoel Got ra chel e gelingin lumor [rodad], nge ra rurrur e tharmiy ni fandad, nge fithingan nib fel'ngin."⁷

PI NOTE

1. Muguy Genesis 1:28.
2. Amos 3:7.
3. Muguy ko Doctrine and Covenants 21:5..
4. Muguy ko Doctrine and Covenants 1:38..
5. I Gag e Bitir ku Got *Hymns*, no. 301; *Babyor ko Tang nu Bitir* 2-3.
6. Muguy Muguy ko Doctrine and Covenants 50:21-22.
7. Muguy ko Doctrine and Covenants 21:6..

ROGON NI NGAN FIL E BINEY E MULWOL

Rayog ni ngad thapeged e fulweg ko demtrug e pi dewer fa magawon rodad ufithik general conference napan ni ngad motoyilgad ngak fapi tapigpig rok Got. Mu lemnag rogon ni ngam weliy tiney ngak pi gidii ngam machib: Urogon ni ngam fal'eg ni ngam thapeg a fulwegem napan bay general conference? President Uchtdorf be pi athamgil ngodad ni ngad "gay rogon ni thapeg fare Kan Thothup." Mang gama lemnag e tiney be yip'fan, nge urogon e rayog ni ngam tay biney ulan e ta'erdamily romed? Ko reb e pi ta'awath ke weliy ulan Muguy ko Doctrine and Covenants 21:6., mang reb e tawa'ath ra yib ngom napan gara ta'ermadliy ko motoyil e pi thin rok Somoel udakaen e tapigpig Rok? Rangam pinning raed pi cha'en ni gabe fil ni ngar yol ulan e journal e pi'nen nike fil fare Kan Thothup ngo-raed ulane general conference ney.

FAL' YANGREN

Ta'ermadliy ni Ngam Rung'ag Laman Got

Be weliy President Uchtdorf tomuren Got nike sunmiy pumm'on nge ppin nike non ngak nge pii' ngorow gonop nge midil ni thabi ga' fan nge thabi fel'. Gadad

be thapeg ta'ab e tawa'ath ulan April nge October napan general conference, napan tiyugang' ko Galasia ra non ngodad nge fil ngodad e pi'nen Somoel ni ba'-adag ni ngad rungan'ed.

Kam rungag' fare laman Got ufithik e tapigpig Rok napan general conference? Kam tharmiy bay ta'areb e mulwol ni key fulweg ni kam gay rogon ni ngam piri'eg? Ulan e babyor rom, rangam yol tiney nge urogon nike ayuwegem. Nge ta'ermadliy ni ngam rungag laman Somoel ko biney e conference napan ni ngam yol e duwer nge fil ufithik fapi chep nib thothup. Meybil ngak Chitamangiy nu Tharmiy, fith ngak ni ra ayuwegem nge gonop ko conference. Napan ni ngam motoyil nga fapi tapigpig rok Somoel, mu lemnag marunga'agen e tharmiy fa thogthog. Mang ni kam fil? Urogon ni tharmiy ere e rogon ni ngam thilyeg? Mu yoloey biney e thogthog ney bachaen fare Kan Thothup ra non ngom!

Mu puguran ni Chitamangiy nu Tharmiy ba'adagem gubin e rran nge ra powi'iyem nga kanawo' nib mataw. Napan ni ngam gay rogon e rayog rom ni ngam motoyil Laman udakaen pi tapigpig Rok, rangam thapeg e to'owath nge fil gonop.

BITIR

Mu Ta'ermadliy ni fan Conference!

Yoloy pi yi'iy udakaen e babyor. Mu thap fapi babyor napan bay e conference ere rangam yoloy pi'nen ni ra fil.

Yoloy pi dewer rom. Gube lemnag marunga'agen . . .
Meybil ngak e Chitamangiy nu Tharmiy. Gube'adag e ayuw
ni nggu fil marung'agen . . .
Motoyil ko general conference. Ku fil . . .



Mich, Tabinaew, Ayuw

Meybil nifan Gubin e Ppin nge moeg Fithingraed

Tuf rodad nge thogthog nifan pi'in ni ma machib ngak ra gelnag napan in ngad meybil ufithik e gum'aen nifan uringin e ppin nge moeg fithingraed.

Bay bo'or e susun marunga'agen gidii' ne kar meybil gad nifan yug bee' nge moeg fithingraed ulan pi babyor nib thothup. Ta'areb e susun ir chitamangiy Alma nib Wayin. Ba angel nike non ngak Alma nib Wayin, nike yog e chitamang "ya ni [ke] meybil u fithik' e mich ni fan ngom . . . ; ere, aray fan ni kugub ni nggu micheg ngom fare gelingin nge mat'won Got, ni nge yog, ni pi meybil ko pi tapigpig rok' e ngan pii' e fulweg riy u rogon e mich roraed." (Mosiah 27:14.).

Meybil nifan dad ma bing gum'ircha'dad ni ngad thapeg fapi to'owath ba'adag Somoel ni ra pii' ngodad. "Fan ko meybil e gathi ni ra thilyeg e lemnag rok Got, machane nima ayuweg ni ngad thapeged ni fan dad nge reb gidii' e tawa'ath Got ni ba'adag ni nge pii', machane thingarda fith ngak ni nge pii' ngodad."¹

Ta'areb e ppin ke weliy napan e ngiyal' rok ni bay e magowon, reb e ppin ni visiting teacher rok ke call ngak fa pii' e text message ulan e "rran nib lumor." Kad nangfan e ngiyal' nike bat'uf ayuw. Ke nang kar meybil gow nifan ngak, napan ni kar mada' gaed nge ngiyal' ni go' yow.

"Lemnag marunga'agen gubin gelingdad fa'an urngin e ppin ni ke meybil gubin e kadbul nge neap' fa, rib mangil, meybil ni dabi tal' ni boed fare Somoel ni ke chiyliy ngodad," keyog Julie B. Beck, General Relief Society President nib kafram.² Meybil nifan pi'in ni ba fil ngak ra gel nagdad nifan dad nge nifan ppin ko Latter-day Saint.

President Henry B. Eyring, Bin Somm'on e Counselor ulan Bin Somm'on e Presidency, ke yog: "Meybil nifan e rogon ni ngam nang e gum'ircha'raed. . . . T'uf ni ngam nang e ngongol Got ba'adag

ni ngam rin' nima ayuweg raed nge rin' gubin, chuchugur ko gubin, napan ni thamiy e t'ufeg rok Got ni fanraed."³

PI NOTE

1. Tapow'iy ko fare pi Chep nib Thothup, "Meybil."
2. Julie B. Beck, "What Latter-day Saint Women Do Best: Stand Strong and Immovable," *Liahona*, Nov. 2007, 110.
3. Henry B. Eyring, "Priesthood and Personal Prayer," *Liahona*, May 2015, 85.

Mu Lemnag e Pin'ey

Mang boech e thogthog nge gonop ke yib ngom napan ni ngam meybil ni fan urngin fapi ppin ni ma mada'?

Machib

Napan ngam meybil nifan gubin e ppin nge moeg fithingraed, rangad thapeg e thogthog ni ra ayuwegdad urogon ni nga ayuweg urngin e ppin ni ma mada'.